

## BIZITZA EZKUTUA

Azia,  
aizetara jaurtitzen da ugari;  
gero, estaldu, lur-azpian gorde.

Otz aundiak, elurrak,  
Il egiten duela dirudi.  
Neguko epe luzeen geldi egona!  
Eriotz-ixiltasuna soro gaiñean...  
«Gari-alea jltzen ez baldin ba'da...»  
Eta, alere, bertan eratzen da  
gure maietako ogia.

Ama, etxe barruan gorderik,  
bere lagun, jai ta batzarretarako  
ezkutatu zaigu oso-osorik.  
Amatasunaren gau luzean sartua,  
agur dagio pixkaka pixkaka  
maite zuen guztiari. Guztiz erantzi  
ta iltzera doala uste du, aurki.

Ta, alere, bere errai-muiñean,  
ta gero bere biotz-ondoan,  
sukaldea, aberria, elizea ta zerua  
beteko dituzten bizitzak  
poliki-poliki eratuz dijoazte.

Ama ¡zango ote? Gure maite-muiñoan  
zure arnas sortzaillea, ene Jainko,  
berriz ere igaro ote zaigu?  
Bildurra ta poza,  
bai, aukeratua ¡zanaren poz zorakorra..

Senar: atoz nere eskui-aldera.  
Itz dagizut. Aditzen ote, esaizu?  
Begira..., aurtxo bat, bat geiago  
gure supazterra ugaritzera.

Emen izango zaitut, ezta?  
Etzera askorik urrutiratuko?  
Lagun zakizkit... Ain da eder!

Ancelle